



Frei di, du Lütt!

Slēdn rut, Slēdn rut!
 Hal di en rode Snut,
 Witt is de Strat!
 Smit man inn Eck dat Bos,
 Fusthannschen her un Dos,
 Gladeritsch*, Strat is witt,
 Frei di, du Lütt!

Slēdn rut, Slēdn rut!
 Sieh, wat de Frost dar bu't!
 Blank is dat Is!
 Kik eens, dar op den Dik,
 Danzens al ahn Musik,
 Gladeritsch, Strat is witt,
 Frei di, du Lütt!

Slēdn rut, Slēdn rut!
 Awer ik bē mi ut,
 Bliw oppe Strat!
 Löv mi, bi Spill un Sprung,
 Menni lütt Jung verdrunk!
 Hörst du Lütt? Strat is witt,
 Frei di, du Lütt!

* schlittern.